

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

524. Quotuplex sit reservatio.

---

[urn:nbn:de:hbz:466:1-74485](#)

beneficium affectum, requiri necessariò, ut Papa manus applicuerit ex fine & intentione illud conferendi; non enim omnis apposito manus afficit beneficium; sed tantum ea, quæ fit ex intentione, seu ex qua resultat, seu dignoscitur mens alterius de tali beneficio providendi; secus enim est, si manum Papa apposuit, non ad effectum conferendi. Castrop. l.c. Lot. l. 2. q. 26. n. 30. Garc. p. 5. c. 1. a. n. 174. Sic affectum non est beneficium, quod, eti manum applicuerit, nunquam conferre intendit, v.g. dum applicuit manum, disponendo seu admittendo, ut resignatio in favorem, seu cum provisio effectum haberet. Castrop. loc. cit. vel uniendo illud in perpetuum &c, non enim id facit animo providendi illud (uti forte colligitur ex facta unione temporali, seu facta ad vitam tantum) sed potius supprimendi illud. Garc. loc. cit. n. 175. Lott. loc. cit. Item dum Papa processit sub conditione non existente; quia tunc nequidem decreatum afficit, cum conditio nihil ponat in esse. Lott. n. 36, ex Simonet. de reserv. q. 6. n. 6. Item dum mandavit provideri ex falsa relatione sibi facta, v.g. quod beneficium sit ei reservatum, cum tamen non esset reservatum; quod esset liberum, cum tamen esset jurispatronatus laicalis; quod esset perpetuum; cum tamen esset manuale &c. Castrop. loc. cit. & in summa quoties actus ille applicationis manus impeditur fortior effectum ex contraria mente ipsius Papæ, nimis ubi ea deficit, deficiente causa, ob quam movebatur Papa, aut non existit nisi supposita malitia & falsa informatione; ut contigit in precedentibus exemplis; ut &c, dum ea ex incapacitate personæ fortior nequit effectum. Lott. cit. n. 36. & 37. & n. 42. citans Rot. in una Oxom. Archidiaconatus. 19. Nov. 1614. & Abb. in c. inter dilectos. de excus. pralat. n. 10. Felin. in c. ult. de presump. n. 40. Quod vero expresse tradit Barb. cit. loc. Pirk. loc. cit. (et si is n. 321. contrarium proponat, & admittere videatur) & plures alii ferè communiter; dum Papa manum apposuit super dispositione beneficii, etiam si provisio fuerit nulla, utpote facta inhabili, vel propter subreptionem aliumve defectum, aut mortem providenti aut provisi intervenientem; adhuc manere tale beneficium affectum juxta tex. Extrav. ad Roman. de prob. inter communes, id inquam, procedere, ait Lott. n. 38. ubi cum appositione manus concurredit praexistens reservatio generalis cum decreto irritante; tunc enim verissimum esse, impediri Ordinarii conferre, & de hoc procedere itatam Extrav. cuius hunc esse intellectum etiam agnoverit Rota, decis. 190. p. 2. recent. n. 8. Ex quibus omnibus vides, affectionem reipsa implicare, & esse reservationem specialem, & inter speciales numerandam. Lott. cit. q. 26. n. 28. 29. 34. ejusdem omnino efficacia, si non majoris. Gonz. ad reg. 8. gl. 45. per totum. apud Lott. cit. n. 29.

#### Questio 524. Quotuplex sit reservatio?

**R**espondeo primò: reservationem esse generalem, aliam specialem; in quibus explicandis, & inter se distinguendis non convenienti Autatores; dum aliqui apud Garc. p. 5. c. 1. n. 47. per generales intelligunt illas, quæ sunt à jure communni inducta; per speciales, quæ sunt inducta per regulas Cancellariæ, vel Extravagantem Ad regimen, ultra juris communis dispositionem. Vel dum aliqui apud Lott. cit. q. 26. n. 24. per generales intellegunt perpetuas, per speciales vero temporales. Juxta veriorem reservatio generalis dicitur illa, quæ

beneficia plura sub una aliqua ratione, seu plura, iusdem rationis & generis reservantur, eti de certò inducta sit reservatio per regulas Cancell. (nisi forte dicatur in regula: specialiter reservamus) v.g. quæ reservantur omnia beneficia regni, provinciæ alicujus (vel etiam spectantia ad Abbatiam aliquam, vel Prioratum, vel Ecclesiam Cathedralem, ut Castrop. tr. 13. de benef. p. 15. n. 2.) quæ reservantur beneficia vacantia in Curia, vel vacantia talibus mensibus; quæ reservantur beneficia, quæ fuerunt Collectorum Curia vel Familiarium Papa: quæ reservantur beneficia electiva, omnes Praeposituræ, vel omnes Ecclesiæ Cathedrales, vel omnes dignitates, vel quæ certo modo vacabunt, v.g. per affectionem secundi. Specialis dicitur illa, quæ reservantur certa beneficia (intellige, vel ratione loci, ut dum hujus vel istius particularis Ecclesia beneficia reservantur: vel ratione certæ qualitatis, v.g. dum certa dignitas reservatur) vel pro certis personis, ut dum mandat Papa beneficiis proxime vacaturum conferri Ticio. Garc. loc. cit. n. 38. & citans Bellam conf. 34. Castrop. loc. cit. citans Gonz. ad reg. 8. gl. 30. n. 12. Azor. p. 2. l. 6. c. 34. q. 7. Pirk. depriv. n. 318.

2. Harum reservationum quælibet, vel sitiæ & respectu loci, in quo; vel ratione persona, à quæ contingit vacatio; vel ratione temporis, in quo vacat; vel ratione qualitatis ipsius beneficij, Lott. cit. q. 26. n. 43. intelligens id de reservationibus generalibus, & citans pro hoc Gonz. gl. 13. n. 88. Aeneam de Falcon. de reserv. q. 2. n. 2. &c. Illam, quæ est inducta ratione loci, subdividit Lott. l. 2. q. 30. n. 1. in puram seu simplicem, nimis quæ inducta ex simplice vacatione in tali loco, v.g. in Curia Romana, verâ vel fictâ, hoc est, quæ verâ contingit, vel fictio juris censorum facta in Curia, eti possessor beneficij mortuus procurâ Curia, de qua paulò post. Et in non puram, hoc est, quæ implicitam habet causam ex suppositione culpæ, vel facti, ob quam quia quis privaturo beneficium, censetur illud vacare in Curia: talis est, dum reservatur beneficium prius habitum, quod quis privaturo ob affectionem secundi incompatibilis, de quo in Extrav. ad regimen. Item quæ reservatur utrumque beneficium, & habitum prius, & obtentum aliud incompatibile, dum quis utrumque simul retinere intendit, de quo in Extrav. Excubilis. Unde ait Lott; utramque hanc speciem comprehendit in primis Reg Cancell. Porro specialibus reservationibus annumeranda, ut dictum, quæ consurgunt ex applicatione manus Papæ.

3. Respondeo secundò: alia est reservatio clausa in corpore juris, alia extra corpus juris, priori juxta verisimiliorem dicitur illa, quæ in aliquo ex c. libris decretalium vel Clementinarum continetur; quia hæc omnia jus commune constituant, seu corpus juris. Reservatio extra corpus juris dicitur, quæ in aliis constitutionibus Extravagantibus, decretis, & regulis Cancellariæ continentur, Garc. loc. cit. n. 130. Castrop. loc. cit. citans Azor. ubi ante.

4. Tercio reservatio alia est temporaria, dum nimis Papa reservat sibi collationem beneficij ad beneplicium; alia perperua, dum eam reservat Sedi Apostolica, suisque in pontificatu successorum. Lott. l. 2. q. 26. n. 22. Gl. in c. ult. de confusitud. in c. v. vacantibus. Gonz. gl. 12. n. 6. juxta c. gratiose, de rescrip. in c.

5. Quartò alterius divisionis neminit Card. de Luc. de beneficiis d. 7. n. 5. dum ait, aliam reservationem

nem fixam & continuam, ut est primarum dignitatum & beneficiorum Collectororum, Officialium &c. Aliam esse discontinuam, incertam & eventualem, qualis est illa ratione mensis, vel ratione loci, in quo contingit vacatio.

*Questio 525. Quae sunt cause reservationum?*

1. Respondeo primò: in genere tamen si reservationes pendeant ex voluntate & arbitrio pontificis, eo tamen non utitur absque materia, & decente causā singulis casibus congruent. Lott. l. 2. q. 26. n. 43.

2. Respondeo secundò: causam finalē reservationum esse bonum commune Reipublica Ecclesiastica, de quo elegantissimè discurreatē & defendantē reservationes Apostolicas contra obrectatores, earum ex verbis ipsiusmet Pii V. vide Lott. l. 2. q. 36. potissimum fere à n. 12.

3. Prima itaque causa est, quod, cum ad Papam spectet remunerare bene meritos de Ecclesia, præsertim qui sibi aut suis antecessoribus servierunt: & erga egentes clericos, qui undequaque ad Sedem Apostolicam confluant, se liberalem exhibere, tisque subvenire: item Magnatum, qui, vel quorum maiores Ecclesiarum defenderunt aut ditarunt, preces pro aliis interpositas in ordine ad beneficia iis impetranda, admittere; hinc, inquam, & quoniam fuit, amplissimam esse Papæ potestatem, beneficia vacancia quasi bona communia aliis conferēdi; adeoque & quamplura eorum suā collationi reservandi, in ordine ad impedientiam præventionem Ordinariorum.

4. Altera causa est, ut Ecclesiarum, & Ecclesiasticarum personarum toto orbe existentium major sit communicatio cum Ecclesia Romana omnium matre, dum non solum in spiritualibus, sed & in temporalibus beneficiorum proventibus ab ea dependent; quod enim in pluribus ab ea dependent, & ad eam confugere debent, ed magis reverentur & amant, & in iis, quæ ad fidem, mores & sacra ministeria spectant, se ei submittunt. Pirh. loc. cit. n. 329. citans Less. de just. l. 2. c. 34. n. 48. & Chok. in reg. 8. n. 9.

*Questio 526. Quandonam reservationes induci capiunt?*

Respondeo: olim Pontifices nulla sibi reservasse beneficia, saltem ex juris communis depositione; nam in toto decreto Gratiani nullæ beneficiorum reservationes reperiuntur, & hinc post Gratiani sæculum cœpisse videntur, ut notat Azor. p. 2. l. 6. c. 36. q. 2. ex Aen. de Falcon. Pirh. de prob. n. 317. quāvis ex antiqua consuetudine multa sibi refervarint, quas reservationes fere omnes Concilium Basileense abolere tentavit; cuius tamen Concilii decreta, paucis exceptis, ab Ecclesia fuere rejecta, Azor. & Pirh. ll. cit. Denum à Joanne XXII. in Extrav. ex debito. de Elec. & à Benedicto 12. in Extrav. ad regimen. de prob. reservata fuerunt Sedi Apostolica beneficia omnia electiva, & ea omnia, quæ per obitum Cardinalium, & quorumcunque Officialium Romana Curia vacarent. Verum cùm dicta Extrav. fuissent temporales, & cum suo conditore expirassent, ut de Extrav. Ex debito, tradunt Mandon. ad reg. 1. Cancell. q. 1. n. 1. Lott. l. 2. q. 27. n. 90. Monet. de optione c. 3. n. 40. Garc. p. 5. c. 1. n. 84. &c de Extrav. ad regimen. Lott. ibid.

n. 97. Garc. n. 86. postmodum ab Innoc. 8. aliisque subsequentibus pontificibus eadē reservationes aucta, innovata, & declarata fuerunt, ut in regulis Cancelleria continetur. Barb. juris Eccles. l. 3. c. 13. n. 37. Sæculo 13. cœpisse Sedem Apostolicam aliqua beneficia in aliena diocesi existentia sibi reservare; prius ratione loci, in quo vacarent, puta in Curia Romana. Dein ratione personarum, puta fanularium Papa &c. Tum etiam ratione qualitatibus; quia prima dignitatis, ac demum ratione temporis aliquos mensis sibi servando ait Card. de Luca. in sum. benef. n. 24. Verum de origine & progressu reservationum latissimè Bursat. cons. 126. & num. 92.

*Questio 527. Quis sit effectus & vis reservationis?*

1. Respondeo juxta dicta superius: effectum reservationis sive generalis sive specialis, cui appositum est decretum irritans est, quod collatio, vel reservatio beneficii facta per Papam liget manus inferioris collaroris, ita ut beneficium reservatum validè conferri nequeat ab eo, etiam si ignoret reservationem illius. Pirh. de prob. n. 320. 322. Barb. loc. cit. n. 41. Lott. cit. q. 26. & n. 3. Ac ita quidem, ut ejus collatio nequidem der titulum coloratum, cùm etiam ipsum possessionem vitiet, ita ut nec civiliter, nec naturaliter dici possit possidere. Lott. l. 2. q. 14. n. 99. ignorantia enim reservationis, sive veretur circa jus, sive circa factum, ex quo oritur jus, eti excusare possit inferiorem collationem à pena, nihil tamen operatur circa actum illius, seu nullam conciliare potest collationi ab eo facta efficaciam, adeoque nec hinc ulli alteri praedictum inferre potest. Lott. l. 2. q. 51. & n. 61. Nihilominus, quod obtinens tale beneficium reservatum, & percipiens fructus ex eo, non sit inhabilis, ait Chok. ad reg. 1. n. 21.

2. Item effectus reservationis est, quod, qui talem beneficium ab Ordinario collatum obtinet, si illo spolietur, non possit agere spolio. Barb. loc. cit. citans Simonet. de reserv. q. 40. Chok. loc. cit. n. 18. præterea tanta est vis reservationis, ut si cui, sive à jure, sive ab homine, scilicet Papā, concessa fuisset potest generalis conferendi omnia beneficia, sub ea concessione comprehensa non censemur beneficia, sive generaliter, sive specialiter reservata Sedi Apostolica. Pirh. n. 322. Barb. n. 42. & qui ab eis citantur, Simonet. q. 41. Chok. ubi ante n. 17. quia etiam posterior ex Simonet. ait, idem esse in expectativis, ita ut reservatio impedit exspectantes, quod minus beneficia reservata per eos possint acceptari, nisi etiam ad reservata concessa fuisset expectativa.

3. Denique ea est reservationis vis, & prærogativa, ut si provisus auctoritate Apostolica contra provisum ab Ordinario litem moveat super beneficio reservato, Judex statim debeat constituo sibi summarie de reservatione, sequestrum in fructibus apponere, ut id cautum in constitutione Pii IV de data anno 1560. Chok. ad reg. 2. n. 14. His tamen non obstantibus posse fieri resignationem beneficij reservati in manibus Ordinarii, dicit illud Ordinarius non possit conferre, sed ad Papam recurrendum sit pro ejus collatione, tradit Chok. ad reg. 1. n. 16. citans Simonet. q. 46. additque ex Grano. in addit. ad Simonet. n. 3. idem esse de permutatione.